

Jém wiñtipic carta jém ijayñewiip jém Xiwan

*Nimpa jém Xiwan iga iixñe jém Cristo
(Jn. 1:1; Ap. 19:13)*

¹ Jém Cristo ittim idic dende wiñigam cuando danam i yíp mundo. Pero siip wiap mannímáy iga ánixñeta ánixcuymi. Ammatoneta. Anámta. Antsic con añci. Iñiyitim jém Añmati, je jém vida jém tachiñewiip Dios.

² Awiñquejayta jém vida. Ánixñeta, jeeyucmi wiap manañmadáy iga núcneum y wiap manañquejayta iga jém Cristo jeam jém vida jém dapic cuyajpa. Ittim idic dende wiñigam con jém tanjatun Dios, jesic ocmi awiñquejayta.

³ Siip manañmadáypa ti ánixñeta y ti ammatoneta iga waiñ tanaitta tumti jixi juutstim aich anaitta tumti jixi con tanjatun Dios y con jém Jesucristo jém Dios iManic.

⁴ Jeeyucmi manjáyáypa iga iniittámiñ jém maymájaji jém numapic.

Jém tanjatun Dios tum wibic jucti agui wıtsocpa

⁵ Yıbam jém wibic añmati jém tanquejayñewiip jém Jesucristo. Siip manañmadáypa mimichtam. Nimpa jém añmati iga jém tanjatun Dios jex juuts tum wibic jucti. Agui wı tsocpa. Jut it Dios da i piichi, je da táñcaiy ni uxañ.

6 Siiga tanimpa iga tumti tanjixi con tanJatun Dios, pero tasiibatim piichcim, jesic tamigóypa. Da tanwatpa juuts nimpa jém numapic anmafi.

7 Pero siiga tasiiba juctian̄tsocajom juuts jém tanJatun Dios it jém juctian̄tsocajom, jesic numa tumti jixi tanaitta y jém Jesucristo iñipiñ, jém Dios iManic, taccáyáypa itumpiy jém tantánca.

8 Pero siiga tanjisa iga da tatáncaiy, jesic tanamigóyaytap tanyaac. Da tana jém numapic anmafi tánanamanjom.

9 Pero siiga tanañmadáypa Dios iga agui tamalwatne, jesic tanjodon iga tayoxpátpa porque Dios tajycámayñe iga tayoxpátpa. Tawitsagáypa itumpiy jém tantánca, taccáyáypa tánanamanjom.

10 Pero siiga tanimpa iga da tatáncaiy, jesic tamigóypa y tanimpa iga migóypatim jém tanJatun Dios. Quejpa iga da numa tan̄cupicne jém inmafi.

2

Jém Jesucristo je jém tacupujáppic

1 Mammanictam, siip manjáyáypa yip toto iga odoy immalwadiñ. Pero siiga i imalwatne, jém Jesucristo wiap icupuj jém Dios iwiñjom porque je da ti mal iwat.

2 Accaata jém Cristo iga tajojayta tantánca. Y da no más taichtam tajojayta jém tantánca, pero iyojáytim itumpiy jém p̄ixiñtam itánca icuw̄iti yip naxyucmi.

3 Siiga seguido tanwatpa juuts tanímáypa Dios, jesic tanjodon iga numa tánixpicne jém Cristo.

4 Pero siiga tum p̄ixiñ nimpa iga: Ich ánixpicpa jém Cristo, pero da iwatpa juuts nimpa jém w̄ibic

aṅmaṭi, jesic miḡóypa jém p̄ixiñ. Da iniḡ jém numapic aṅmaṭi ianamanjōm.

⁵ Pero siiga tum p̄ixiñ iwatpa juuts n̄impa jém Cristo in̄maṭi, jesic numa quejpa iga jém p̄ixiñ tsam itoypa Dios. Siiga seguido tanwatpa juuts n̄impa jém Cristo in̄maṭi, jesic tanjodon iga tanwaganaiṭta jém tanjatuḡ Dios.

⁶ Siiga tum p̄ixiñ n̄impa iga: Ich aṅwaganaiṭ tanjatuḡ Dios, jesic w̄i iga iwadiñ jém w̄itampic cosa juuts iwatpa jém Jesucristo.

Jém jomipic aṅquímayooyi

⁷ Mant̄iwitam, da manjáyáypa tum jomipic aṅquímayooyi, pero manjáyáypa jeetim pecapic aṅquímayooyi jém iniitw̄ip dende wiñti. Ȳip aṅquímayooyi jém moiw̄ip impictson̄ta.

⁸ Manjáyáypa juuts tum jomipic aṅquímayooyi porque Cristo oy tanquejáy iga tanatoytamtaiñ y mimichtam in̄wattámpa jempic. S̄ip nasneum jém piichi y núcneum jém numapic juctian̄tsoca.

⁹ Siiga n̄impa tum p̄ixiñ iga: Ich ait jém juctian̄tsocajōm, pero ijóyixpa jém it̄iwitam, jesic miḡóypa jém p̄ixiñ. Quejpa iga danam putne jém piichc̄im.

¹⁰ Pero siiga tum p̄ixiñ itoypa it̄iw̄i, jesic it jém juctian̄tsocajōm y da i w̄iap icmalwat.

¹¹ Pero siiga tum p̄ixiñ ijóyixpa jém it̄iw̄i, jesic ts̄iypa jém piichc̄im. Da ichacpa iga imalwatpa. Jexpic p̄ixiñ da ijodon̄ juṭ nicpa porque jém piichi da iguixixóypa.

12 Mammanictam, manjáyáypa porque Dios miwadayñeum perdón jém iñtánca porque jém Cristo miyojáy jém iñtánca.

13 Michamitampic, manjáyáypa porque in cupicneum jém Cristo jém itwip dende wiñigam. Manjáyáypatim, jém dapicnam michamitam, porque incoñwiyñeum jém Wocciwiñ. Manjáyáypatim michixtam porque iñixpicneta jém tanjatun Dios.

14 Manjáyáypa michamitampic porque in cupicneum jém Cristo jém itwip dende wiñigam. Manjáyáypatim jém dapicnam michamitam porque tsam miwiap. Iniit jém Dios inmati iñanamanjom. Incoñwiyñeum jém Wocciwiñ.

15 Tsaci iga iñtoypa itumpiy jém malopic cosa jém ityajwip yip naxyucmi. Porque siiga tum pxiñ itoypa jém malopic cosa jém ityajwip yip naxyucmi, jesic da itoypa jém tanjatun Dios.

16 Jém da wibic pxiñtam tsam icusúniypa itumpiy jém malopic cosa jém ijisnewip ianamanjom. Titam iixpa imalwatpa, icusúniypatim. Agui nacujítpa iyaac iga agui wi it. Itumpiy yip malopic jixi jém ityajwip yip naxyucmi da miñpa de Dios. Jém malopic jixi tsucumpa yip naxyucmic pxiñtam ijixianjom.

17 Cuyajpa yip mundo y cuyajpatim itumpiy jém malopic cusúniyooyi. Pero jém iwatyajpáppic juuts ixunpa Dios da nunca cuyajpa. Jeeyaj tsíyyajpa para siempre.

Jém Cristo ienemigo je jém contracrismo

18 Mammanictam, siip núctoobam jém íñanpigam jama. Mimichtam immatoḡneta iga miñpa tum p̄ixiñ nímanṡaayap iga jeam jém Cristo. Tsam áḡapa contra jém Cristo. Siip núcneum waṡi jém áḡayajpáppic contra jém Cristo. Jeeyucmi tanjodon iga núctoobam jém íñanpigam jama.

19 Jeeyaj ityaj idic con taichtam, pero da iñuntacupicneyaj Dios. Jesic ocmi cupudayyaj con taichtam. Siiga numa icupicyajpa Dios, jesic tienes que tanwaganaitámpa hasta siip. Pero cupudayyaj iga quejiñ iga da tawaganaitta ni tum de jeeyaj.

20 Pero jém tánomi Cristo michiiñeta jém Dios iAnama, jeeyucmi iñtumpiytam wiap incutiiyiyta jém w̄itampic anquímayooyi.

21 Jesic da manjáyáypa iga da incutiiyíypa jém numapic anquímayooyi. Manjáyáypa porque mich iñixpicpa jém numapic anquímayooyi. Iñjodonṡim iga jém numapic anquímayooyi da je migoyoi.

22 ¿Jesic iapaap jém migoypaap? Jém migoypaap je jém nimpáppic iga jém Jesús da je Cristo jém icutsatnewiip Dios. Jém migóypáppic je jém contracristo. Yip malopic p̄ixiñ inécpa jém tanJatun Dios y inécpatim jém Dios iManic.

23 Porque siiga tum p̄ixiñ da icupicpa jém Dios iManic, jesic datim iixpicpa jém tanJatun Dios. Pero siiga tum p̄ixiñ icupicpa jém Dios iManic, jesic iixpicpatim tanJatun Dios.

24 Jeeyucmi manímáypa iga odoy tsaci iga in̄cupictámpa jém w̄ibic anquímayooyi jém mojwiip minquejaytamta. Siiga da iñchacpa, jesic seguido

miwaganaittámpa jém tanJatun Dios y jém iManic Jesucristo.

25 Jém Jesucristo tajiycámayñe iga tachiiba jém vida iga nicpa tañti con Dios.

26 Manjáyáypa iga tsam it jém tamigóyayyajpáppic.

27 Pero michtam iniittámum jém Dios iAnama jém michiñewip jém Cristo. Iniitum iñanamanjom. Jeeyucmi da iñxunpa iga i minquejáypa porque jém Dios iAnama minquejaytámpa itumpiy jém wibic jixi. Je jém numapic anquímayooyi, da je migooyi. Jesic odooy tsaci iga inwatpa juuts ixunpa jém Cristo juuts minquejáy jém Dios iAnama.

28 Siip, mammanictam, wagaittaami con jém tánomi Jesucristo, jesic da tañcintámpa cuando miñgacpa yip naxyucmi, da tatsaatámpa cuando tanáñammocpa.

29 Michtam iñjodon iga da tañcaiy jém Cristo. Jesic jodónataami iga itumpiy jém iwíwatyajpáppic nayñeyaj iga Cristo imanigap.

3

Nimpa jém Xiwan ti iwatyajpa jém Dios imanictam

1 Ixi iga tsam pimi tatoypa tanJatun Dios. Jeeyucmi tatsíytámpa iga Dios tamanictam. Yip da je migooyi. Taichtam jém Dios tamanictam. Jeeyucmi jém dapic icupicyajpa Dios da tawixiyajpa porque datim iixpicyajpa jém tanJatun Dios.

² Mantıwıtam mantoytampáppic, sıp taıchtam Dios tamanıctam. Da tanjodoŋ sıp juutspic tapıxiñtam tatsıytámpa cuando tampıctsonpa jém jomıpic tammıjtay. Pero tanjodoŋ ıga cuando miñgacpa yıp naxyucmi jém tánQmi Jesucristo, jesic tatsıytámpa jextim juuts jém Cristo. Porque cuando miñgacpa jém tánQmi, jesic tánıxtámpa juutspic pıxiñ.

³ Itumpıy jém pıxiñtam jém injócyajpáppic ıga miñgacpa jém tánQmi Cristo, tienes que ichacyajpa jém itaŋca ıga cuáyñeiñ jém ıanama porque da taŋcaıy jém Cristo.

⁴ Jém pıxiñtam, jém iwatyajpáppic taŋca, da icupıcne jém Dios inquımayooyi. Itumpıy jém taŋca it en contra de Dios inquımayooyi.

⁵ Mıchtam injodoŋtam ıga jém Cristo oy yıp naxyucmi ıga iccáyáypa jém pıxiñtam itaŋca. Injodoŋtim ıga jém Cristo da taŋcaıy ni uxan.

⁶ Siıga tum pıxiñ iwaganait jém Cristo, jesic da seguido iwatpa taŋca. Pero itumpıy jém pıxiñtam jém imalwatyajpáppic da icupıcyajpa ni da iıxpıcyajpa Dios.

⁷ Mammanıctam, cuidado ıga i mımiğóyáypa ıga mıctıactámpa jém Dios inmaıti. Siıga tum pıxiñ seguido iwatpa juuts ixunpa Dios, jesic wıbic pıxiñ, jextim juuts jém tánQmi Cristo.

⁸ Pero siıga tum pıxiñ da ichacpa itaŋca, jesic quejpa ıga tsıypa juuts jém Wocciwiñ imıchi. Porque dende wiñıgam imalwatpa jém Wocciwiñ. Jeeyucmi jém Dios iMaınic oy yıp naxyucmi ıga iccuyajáypa jém Wocciwiñ ipımi.

⁹ Jém Diospic imanictam ichacpa jém itánca. Da más imalwatpa. Siiga tanait jém vida jém Diospic tachiine, jesic da wiap tammalwat seguido porque Dios tamanigane.

¹⁰ Asíam tanjodónap iapaap jém Dios imanictam y iapaap jém Wocciwiñ imanictam. Jém dapic iwíwatpa da je Dios imanic ni jém dapic itoypa itíwítam.

Jém Dios ipixiñtam natoyyajtap con jém itíwítam

¹¹ Wiñigam tampictson yíp anquímayooyi: Wí iga tanatoytamtañ con jém tantíwítam.

¹² Da wí siiga tanwatpa juuts jém Caín, porque je jém Wocciwiñ imichi, icca itíwi. ¿Tíiga icca itíwi? Porque jém Caín iwatpa juuts ixunpa jém Wocciwiñ, pero jém itíwi iwatpa juuts ixunpa Dios.

¹³ Mantíwítam, odooy pooñanjamtaami siiga jém malopic pixiñtam tsam mijóyixpa.

¹⁴ Tatsíyñeta idic juuts tum píxiñ caane, pero siip taichtam tavivo. Tanjodon iga tavivo porque siip tantoypa jém tantíwítam. Jém píxiñ jém dapic itoypa itíwi jex juuts tum píxiñ caane.

¹⁵ Itumpiy jém ijóyixpáppic itíwi jex juuts tum accaoypaap. Y michtam inñjodontam iga jém accaoypáppic píxiñ da inii jém vida jém dapic cuyajpa.

¹⁶ Jesic asíam tançutiñyíypa jutsap tantoy jém tantíwítam porque jém Cristo iyaac nachiita iga accaata iga tajoáy tantánca. Jesic wítim iga tanjíguiñ iga taccaatap iga tanyoxpátpa jém tantíwítam jém icupicneyajwíip Jesús.

17 Siiga tum p̄ixiñ tsam iniit iwíccuy y itump̄iy cosa y iix iga p̄imi yaachap jém it̄iw̄i, pero da iyaachanjampa, jesic quejpa iga jém p̄ixiñ da itoypa Dios.

18 Mamman̄ictam, da w̄i iga tannímáypa jém tant̄iw̄i iga: Mant̄iw̄i, tsam mantoypa, pero ocm̄i da tanyoxpát̄pa. Siiga jém in̄t̄iw̄i itogóyáy algun ti, jesic yoxpaati, yaachanjami.

Jutsap tanjodón̄a iga Diosam tam̄ichitam

19 Siiga tantoypa tant̄iw̄itam, jesic tanjodon̄ iga tanait̄ jém numap̄ic anquím̄ayooyi. Jesic da tan̄c̄in̄pa iga tanúcpa jém Dios iwiñj̄om.

20 Siiga tan̄j̄ispa tán̄anam̄anj̄om iga agui tammalwatne id̄ic, jesic odoy wadaaȳi caso porque Dios más mij que taichtam y Dios iixp̄icpa itump̄iy jém p̄ixiñtam ianama.

21 Jesap̄tim, mant̄iw̄itam, siiga da tan̄j̄ispa tán̄anam̄anj̄om iga agui tammalwatne, jesic da tan̄c̄in̄pa iga tanúcpa jém Dios iwiñj̄om.

22 Siiga tan̄wágáypa Dios alguna cosa, jesic tachiiba porque seguido tan̄cup̄icpa jém Dios in̄quím̄ayooyi y tan̄watpa juuts iw̄ian̄jam̄ Dios.

23 N̄impa jém Dios in̄quím̄ayooyi iga tan̄cup̄ictámiñ jém iMan̄ic in̄iyi, jém Jesucristo. N̄impatim iga tanatoytamt̄aiñ con jém tant̄iw̄itam juuts tan̄imayñe.

24 Itump̄iy jém icup̄icneyajw̄ip̄ jém Dios in̄quím̄ayooyi ityaj con Dios. Ittim Dios con jém ip̄ixiñtam. Tanjodon̄ iga tan̄waganait̄ Dios porque tachiin̄eta jém Dios iAnama.

4

Quejpa juppíc jém malopíc espíritu jém tamigóyaypáppíc

¹ Mantiwítam mantoytampáppíc, odoy cupíci itumpiy jém aḡmatciwiñ jém nĩmyajpáppíc iga iniit jém Dios iAnama. Pero wiñti cutiitsi jém inquímayooyi, jesic quejpa siiga Dios icutsatne. Porque tsam it jém malopíc aḡmatciwiñ jém tamigóyaypáppíc. Ininúcyajpa jém migooyi juḡinquej.

² Siiga jém aḡmatciwiñ nĩmpa iga jém Jesucristo oy yíp naxyucmi juuts tum pĩxiñ, maayítim juuts taichtam, jesic tanjodon iga jém aḡmatciwiñ iniit jém Dios iAnama. Jempigam tánixpicpa siiga iniit jém Dios iAnama.

³ Pero siiga da inmatpa jém pĩxiñ iga maayítim jém Cristo juuts taichtam, jesic da iniij jém Dios iAnama. Jém pĩxiñ iniit jém mal espíritu. Y jém mal espíritu it en contra de jém Cristo. Michtam iñjodontam iga miñpa jém aḡapáppíc contra jém Cristo y siip núcneum yíp naxyucmi.

⁴ Pero mimichtam, mammanictam, Dios mimichitam. Incoñwiyñeum jém malopíc aḡmatciwiñ jém tamigóyayajpaap. Porque jém Dios iAnama, jém iniitwip iñanamanjom, más wiap que jém iniitwip jém malopíc pĩxiñtam ianamanjom, jém dapic icupicneyaj Dios.

⁵ Jém malopíc aḡmatciwiñ iniityaj yíp naxyucmipic jixi, jesic cuando inmatyajpa jém malopíc aḡquímayooyi, yíp naxyucmipic pĩxiñtam imatonajpa.

6 Pero taichtam Diosam tamichitam. Cuando tanañmatpa jém Dios inmatí, jesic jém icupicneyajwíp Dios imatonyajpa. Pero jém dapic je Dios imichi jeeyaj da imatonyajpa. Jempigam wiap tánixpic jém Dios iAnama y jém mal espíritu jém tamigóyaypápic.

Dios tsam tóyóypa

7 Mantiwitam mantoytampápic, wí iga taichtam tanatoytamtaiñ con jém tantiwitam porque Dios tachiiñe jém jixi iga tanatoytamtaiñ. Y itumpiy jém itoyyajpápic itíwi je jém Dios imanictam y jeeyaj iixpicaypa Dios.

8 Jém dapic itoypa itíwi jesic datim iixpicpa Dios porque tsam tóyóypa Dios.

9 Dios tanquejay jutpic tatoypa cuando icutsat yíp naxyucmi jém tumpic iManic iga tachiiñeta jém vida jém dapic cuyajpa.

10 Yimpic quejpa jém wibic tóyooyi. Da iga tantoypa Dios, pero iga Dios tatoytámpa taichtam. Jeeyucmi icutsat iManic iga tajojay tantánca.

11 Mantiwitam mantoytampápic, iga tsam tatoypa Dios jesic wítim iga tanatoytamtaiñ con jém tantiwitam.

12 Da i nunca oypa iix jém tanJatuj Dios, pero si-iga tanatoytamtap con tantiwitam, jesic tanjodon iga tanaitta Dios tánanamanjom. Y mástím quejpa iga tatóyóypa.

13 Dios tachiiñeta jém iAnama, jeeyucmi tanjodon iga tait con Dios y Dios it con taichtam.

14 Anyaac ánixñeta jém Jesucristo y siip anañmattámpa jutinquej iga jém tanJatuj Dios

icutsat jém iManic yíp naxyucmi iga iciacputpa itumpiy jém p̄ixiñtam jém ityajwiip yíp naxyucmi.

15 Siiga tum̄ p̄ixiñ inmadáypa jém it̄iwitam iga jém Jesucristo jém Dios iManic, jesic jém p̄ixiñ it con Dios y jém Dios it con jém p̄ixiñ.

16 Tanjodon̄ y tañcupicpa iga Dios tsam tatoypa porque Dios tsam tóyóypa. Y jém p̄ixiñ jém tóyoypáppic it con Dios y Dios ittim con jém p̄ixiñ.

17 Siiga seguido taittámpa con Dios, jesic más tañcutīiyiytámpa jutsap tantoy Dios. Y cuando núcpa jém jama iga Dios ichiiba castigo jém malopic p̄ixiñtam, jesic taichtam da tañçĩntámpa. Taichtam tajextim juuts jém Cristo cuando jáy it̄i yíp naxyucmi.

18 Jut it jém tóyooyi da i jém çĩñi porque jém numapic tóyooyi iccáypa itumpiy jém çĩñi. Pero siiga tum̄ p̄ixiñ icĩnpa jém Dios icastigo, jesic quejpa iga da inīi jém numapic tóyooyi.

19 Taichtam tantoytámpa Dios porque wiñti tatoyta.

20 Pero siiga tum̄ p̄ixiñ nĩmpa iga: Ich antoypa Dios, pero ijóyixpa it̄iw̄i, jesic migóypa jém p̄ixiñ. Porque siiga da itoypa it̄iw̄i jém iixñewiip, jesic datim wiap itoy jém Dios jém dapic tánixpa.

21 Dios tachi yíp anquímayooyi: “Siiga iñtoypa Dios, jesic toyit̄im mex jém iñt̄iwitam.”

5

Jém icupicneyajw̄ip jém Cristo icoñw̄iyñeum jém Wocçiw̄iñ ip̄imi

1 Siiga inçupicpa iga jém Jesús je jém Cristo, jesic Dios mimanic. Siiga tantoypa jém Jatunpic, jesic tienes que tantoytámpatim jém imanictam.

2 Jesic tanjodon iga numa tantoypa jém Dios imanictam siiga tantoypa Dios y tanwattámpa juuts tanímáypa.

3 Siiga tanwatpa juuts nimpá jém Dios inquímayooyi, jesic quejpa iga tantoypa Dios. Y jém Dios inquímayooyi da táncá iga tanwatpa.

4 Porque jém Dios imanictam wiap icoñwíy itumpiy jém malopic jixi jém ityajwíip yíp naxyucmi. Wiap tancoñwíy porque tançupicne jém Jesucristo.

5 Pero nada más jém icupicneyajwíip iga jém Jesús je jém Dios iManic wiap icoñwíy itumpiy jém malopic jixi.

Tucuten testigo tanquejáypa iapaap jém Jesucristo

6 Oy iti jém Jesucristo yíp naxyucmi, acchinta nñicim, itegáy iñipiñ jém cunusyucmi. Da je solamente con ni, pero tanquejayta con jém ni y con jém nñipiñ iga da je migooyi. Dios iAnama tsíypatim juuts tum testigo iga jém oyñewíip numa jém Dios iManic porque jém Dios iAnama da inisiba jém migooyi.

7 Tucuten testigo it sinjucmi: jém tanJatun Dios, jém tánQmi Jesucristo y jém Dios iAnama. Icutres tsíy juuts tumti.

8 Ittim tucuten testigo yíp naxyucmi: jém Dios iAnama tsíy juuts tum testigo, y jém ni tsíy juuts

tum testigo, y jém n̄ipiñ tsíyitim juuts tum testigo. Icutres it de acuerdo.

⁹ Tan̄cup̄icpa jém p̄ixiñtam cuando in̄matyajpa juuts testigo. Pero más w̄ib̄ic testigo jém tan̄Jat̄uñ Dios. Tan̄imayñe iga Jesucristo je jém iMan̄ic.

¹⁰ Jém icup̄icneyajw̄īp̄ jém Dios iMan̄ic chiiñetā j̄ixī ianaman̄j̄om̄ iga n̄uma jém Jesús je jém Dios iMan̄ic. Pero jém p̄ixiñ, jém dap̄ic icup̄icpa Dios, n̄impa iga mīgóypa jém tan̄Jat̄uñ Dios porque da icup̄icpa titam tan̄madáy Dios de jém iMan̄ic.

¹¹ Tac̄jod̄oñanetā iga Dios tachiiñetámum jém vida jém dap̄ic cuyajpa, ȳip̄ vida iniit̄ jém Dios iMan̄ic.

¹² Jém iniit̄w̄īp̄ jém iMan̄ic, iniitum jém vida. Pero jém dap̄ic inī jém Dios iMan̄ic, je da inī jém vida.

¹³ Man̄jáyáypa mimichtam jém in̄cup̄icnetan̄w̄īp̄ jém Dios iMan̄ic iñ̄yī iga iñ̄ñuntaw̄ījod̄oñ iga imp̄ictson̄netā jém vida jém dap̄ic cuyajpa.

¹⁴ Siiga tan̄wágáypa Dios jém w̄itamp̄ic cosa juuts ixunpa Dios, jes̄ic tan̄jod̄oñ iga tamaton̄pa. Tan̄jod̄oñ iga Dios iccup̄acpa juuts taj̄ycámayñe.

¹⁵ Siiga tan̄jod̄oñ iga Dios tamaton̄pa cuando tan̄an̄wejpát̄pa, jes̄ic tan̄jod̄oñ̄tim̄ iga tachiiñeum jém w̄ib̄ic cosa jém tan̄wágayñew̄īp̄.

¹⁶ Siiga tán̄ixpa tum tant̄īwī iwat tum tán̄ca jém dap̄ic iccaaba, jes̄ic w̄ī iga tan̄an̄wejpádáȳiñ̄ Dios para je. Jes̄ic Dios ichiiba vida jém tant̄īwī siiga da iwat jém tán̄ca jém taccaap̄ápp̄ic. Porque it̄ jém tán̄ca jém taccaap̄ápp̄ic. Da mann̄ímáȳpa iga in̄iñwejpádáȳiñ̄ Dios para jém p̄ixiñ̄ siiga iwatpa jexp̄ic tán̄ca.

17 Itumpiy jém malopíc cosa jém iwatyajpáppic jém p̄ixiñtam t̄ançatim. Pero it jém t̄ançca jém dapic iccaaba jém p̄ixiñ.

18 Tanjodon iga jém tsíyñeyajw̄ip juuts jém Dios imanictam ichacneyajum iga imalwatpa porque jém Cristo iwatpa cuenta iga jém Wocciwiñ odoy w̄iaiñ icmalwat.

19 Tanjodon iga Dios tamaniganeta. Tanjodontim iga itumpiy jém malopíc p̄ixiñtam ȳip naxyucmi ityaj jém Wocciwiñ ic̄ijom.

20 Tanjodontim iga oy ȳip naxyucmi jém Dios imanic iga tachiiba jém wibic j̄ixi iga w̄iaiñ tançcut̄iȳȳ juppíc jém numapíc Dios. Siip tanwaganait̄t̄ampa jém numapíc Dios, je jém tánQmi Jesucristo. Je jém numapíc Dios jém tachiiñew̄ip jém vida jém dapic cuyajpa.

21 Mamanictam, odoy j̄istaami jém watnas jém dapic je nunta Dios. Jenum cuyaj.

**Jém jomipic trato jém iwatnewip tánomi
Jesucristo
New Testament in Popoluca, Highland**

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

da18b773-264a-519b-a8dd-012e48df725d